



Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq.

(Inuussutissarsiornermut Aatsitassanullu Naalakkersuisoq)
(Siullermeerlugu oqaluuserineqarnera)

Demokraatit Inuussutissarsiornermut Aatsitassanullu Naalakkersuisoq qutsaviginiarpaat siunnersuutip pitsaasumik sukumiisumillu suliarineqarsimaneranut. Siunnersuutaasimasut pitsaasutut uatsinnullu tamanut iluaqutaasussatut isigaagut.

Erseqqissarusuppara, siunnersuut whistleblowerit (kinaassutsimik ersersitsisuunngitsumik ilisimasamik ingerlatitseqqiisinaanermut periarfissiisartoq) inatsisitigut illersugaanerisa annertusinerannik kinguneqassasoq, maanna inatsimmi allassimalissammat inatsisitigut illersorneqarsinnaalissasut, kinaassutsiminnik isertuussinissaannut qulakkeerinnittussamik. Atuisunut- unammilleqatigiinnermullu aqutsisoqarfimmut inatsisinik unioqqutitsisorisaminnik imaluunniit naleqqutinngissorisaminnik saaffiginninnerminni. Tassunga atatillugu eqqaamassavarput, Atuisunut- Unammilleqatigiinneermullu aqutsisoqarfik whistleblowerit (kinaassutsimik ersersitsisuunngitsumik ilisimasamik ingerlatitseqqiisinaanermut periarfissiisartoq) paasissutissiineri tunngavigalugit qisuariartartussaammat.

Taakku saniatigut erseqqissarusuppara, siunnersuutip periarfississammagu kinguneqartitsisussamik unammilleqatigiinnermut suliakkiissutit pinasuartumik ajornaatsumillu naliliisarnissaat, periarfissaqalissammat. Unammillernermut Nakkutilliisoqatigiit piginnaatitaalissammat suliamik inerniliinissaminut allaffissornikkut akiligassiinikkut. Tassunga atatillugu erseqqissarneqassaaq, kinguneqartitsineq taanna aatsaat pisinnaammat, suliffeqarfik inatsimmik unioqqutitsisimasutut nassuerpat. Tamanna suliffeqarfiup inatsisitigut illersugaaneraniq qulakkeerinnissaaq, tamannalu Demokraatinut pingaartuuvoq.

Taamatut oqaaseqarluta siunnersuut isumaqatigalugu Inuussutissarsiornermut Aatsitassanullu ataatsimiititaliamut akuerisassanngorlugu ingerlateqqillugu.